

## 文节公家训二十条

### 一

人有祖宗犹水木之有本源不可忘也祖宗不可见可见者坟庙而已见坟庙如见祖宗焉吾宗祠务宜及时修整毋致破损倾颓其莹墓则每岁元宵灯火清明挂祭断不可缺且宜剪其荆棘清其兆域毋致秽芜崩塌比永言孝思之第一义也

### 二

父母罔极之思同于天地凡我子姓亲存者务宜随分敬养至于亲歿葬祭虽称家有无然大礼不可缺也否则无亲之人近于禽兽众相攻击毋或有怨

### 三

兄弟者同乞之人也方其幼有无笃于友爱及各聚其妻各子其子其不至渐流于衰薄者几希矣我子姓敢有聒牝鸡之鸣纵家犬之吠而伤手足之情者家法惩究即次于不孝之科

### 四

子弟凡行坐出入必后长者即在公祠遇应说公事亦必须从容言之敢有轻狂忤犯者论其服次

责罚其尊长亦不得以尊压卑以长凌幼法言巽语  
随机教训各尽其道则家庭雍睦矣

五

邻里乡当之属非我亲戚即我朋友其有年高德重者又我父兄之亲戚朋友也凡我子姓于往来交接之际宜父事者父事之宜兄事者兄事之宜肩随者肩随之务宜使情意同决不得遽忘礼貌有戾吾家忠厚之传

六

匹配之际乃生人之始万福之源不可不慎今后子姓凡议婚配必择其门第相当察其妇与婿之性行果淑然后通其媒约成其六礼庶号良缘而非然偶失此不谨或致良贱不均倡随失德卖伦伤化者皆于先人有玷也黜也

七

朋友五伦之一人生所不能无礼圣云以文会友以友辅仁义曰母友不如己者盖言友贵于择也苟置多闻直谅而不交而惟便佞善柔之是好则无益而有损反不如离群索居之为愈凡我子姓尚慎旃哉

八

读书乃诚身之本而显扬祖宗之要务也吾家修谱之后必延名师教育后生务期典籍精通文章晓畅更且敦励行谊以成大器斯真读书矣其供应俸仪俱不可苟若以俸仪菲薄为便浪延村学仅图识字致滋鄙陋反随先声为父兄者尚其念之

九

族众人繁贫富不齐势所难免吾族倘有窘迫之家生不能娶死不能葬在家饶者当仰体祖宗一脉之意量力助之此厚道也谅祖宗必有冥报至无告之四民虽属秦越犹当收恤况同族乎家饶者毋得坐观失所以玷先人

十

衣食者礼义所由兴而农桑者衣食所由赖富生于勤圣贤之明训不啻耳提面命矣何得鄙为俗流而不为乎凡我子姓务宜勤以开其源俭以节其流庶几仰足以事俯足以畜而冠婚丧祭皆有资无憾矣

十一

条漕者小民之正供所以报效朝廷者也虽尧舜之君亦不能免韩昌黎云民不出粟米丝麻以奉其上则诛其言岂岂欺我哉能依限早完则上不累官

长之考成下可免公差之笞责即小民一岁之中公事即毕亦有余力以治私事乘屋播谷何等从容是一举而三善备矣嗣后吾族中富者固不可恣意拖欠即贫者亦不得以艰难藉口如有此等不待官法之加先以家法正之以彰吾族急公之谊

十二

行者让路耕者让畔文王之化行俗美也近世有在同族之间寸土不能相让者称以鄙陋之夫况倚富欺贫恃强凌弱巧设机关侵占争夺天理良心果安在乎吾族倘有此辈许告公庭家长共证以遏浇风

十三

禁蓄山林树木乃王政之始也孟子云斧斤以时入山林材木不可胜用也凡我子姓备务互相禁蓄以备宫室器皿之资毋得非时砍伐更不宜纵火焚烧不特伤残薪木而且昆虫鸟鼠焦土无遗实干好生之德戒之戒之

十四

吾族中富有有贫固理势之自然也或先贫而后富或先富而后贫亦往往有之凡一切买卖放借宜按理推情富者不得违制取利贫者不得恣意拖

欠致干祖训王尊

十五

酒为人合欢凡养亲燕友日用常行皆不能免然或沉湎荒耽则贤者必至丧德失仪不肖者生非拘祸故伟武公耄年犹深戒也凡我子姓除合欢成礼外如有痛饮无节致蹈前例者家法必惩

十六

讼非得已即理实情真而缠绵不绝仁人君子犹或恶之况无理无情专事虚许以为能不尤可恶乎凡我子姓如侮弄乡邦日复公庭者众相攻击毋长刁风

十七

赌博迷人甚于酒色小则废时失事大则荡产倾家甚则为非作歹玷辱先人悉由于此此陶荆洲所以投檣蒲于江而鄙为牧猪奴所为诚耻之也凡我子姓有不务国民常业而喝雉呼卢无冬无夏者查出送官重究

十八

男正位乎外女正位乎内易言之也男女授受不亲礼言之矣皆所以谨别也盖闺门为王化之始

闺门肃则百度贞百度贞则嘉祥至昔人以麟趾为  
关雎之应洵不诬也此无伦大家细户共宜致谨者  
不独吾姓为然也凡我子姓其无忽焉

十九

擅食田园瓜菜例有明禁古人瓜田不纳复李  
下不整冠嫌疑犹当避也况我公然击取乎每见人  
家此者輒以为小儿寻常之事而不知实为他日窃  
盗之階尽思天地之间物各有主他人取我之物我  
必不平反而诤之则我取他人之物而谓他人平乎  
嗣后吾族倘有犯者姑置小儿先责父兄以不钳训  
罪之

二十

凡附禁桥梁道路每岁秋末冬初务宜修理不  
特便于行人亦且便于自己若桥梁整顿道路究平  
往来行人增多少叹羨地方气象增多少光昌

识者于此覘其有兴旺之机焉视为未务